

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Broj: 02-45-25382/22
Zenica, 21.12.2022. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03, i 65/13), člana 234. i 247. Zakona o privrednim društvima ("Službene novine Federacije BiH", broj: 81/15 i 75/21), a u vezi sa odredbom člana 23. Statuta Javnog preduzeća „Vodovod i kanalizacija“ d.o.o Zenica (“Službene novine općine Zenica”, broj: 5/06, 3/07, 7/07, 1/12 i “Službene novine Grada Zenica”, broj: 3/15 i 6/21), u postupku izbora i imenovanja jednog člana Nadzornog odbora Javnog preduzeća „Vodovod i kanalizacija“ d.o.o. Zenica, Gradonačelnik Grada Zenice, objavljuje

O G L A S

**za izbor i imenovanje jednog člana Nadzornog odbora Javnog preduzeća
„Vodovod i kanalizacija“ d.o.o. Zenica**

Objavljuje se Oglas za izbor i imenovanje jednog člana Nadzornog odbora Javnog preduzeća „Vodovod i kanalizacija“ d.o.o. Zenica.

Mandat člana Nadzornog odbora koji se bira ovim Oglasom traje do 21.09.2025. godine, odnosno do isteka mandata predsjednika i člana Nadzornog odbora Javnog preduzeća „Vodovod i kanalizacija“ d.o.o. Zenica čiji su mandati u toku.

I OPIS POZICIJE

Nadzorni odbor Javnog preduzeća „Vodovod i kanalizacija“ d.o.o. Zenica ima sljedeće nadležnosti: nadzire rad Uprave i poslovanje Preduzeća; priprema i predlaže Etički kodeks, Statut Preduzeća, poslovničke i druge akte koje usvaja Skupština; provodi postupak i odlučuje o donošenju, izmjenama i dopunama pravilnika o radu i drugih općih akata koji regulišu unutrašnju organizaciju i sistematizaciju radnih mjesta, plaće i naknade radnika; imenuje i učestvuje u razrješavanju članova Uprave u skladu sa postupcima utvrđenim Zakonom, Statutom i drugim važećim propisima; vrši izbor kandidata Odbora za reviziju i podnosi Skupštini prijedlog za imenovanje; utvrđuje prijedlog cijene i način plaćanja komunalne usluge, u skladu sa Zakonom o komunalnim djelatnostima i općinskom odlukom o vodovodu i kanalizaciji; utvrđuje cijenu pratećih usluga koje Preduzeće obavlja; donosi provedbeni propis za postupak javnih nabavki i nadzire njegovo provođenje; daje mišljenje Skupštini o prijedlogu Uprave za raspodjelu dobiti; daje upute Upravi za provođenje mjera i aktivnosti prilikom uočenih nepravilnosti, formira povremene komisije, utvrđuje njihov sastav i zadatke; daje ovlaštenja direktoru Preduzeća za aktivnosti koja su ograničene Zakonom o javnim preduzećima u FBiH; nadzire Upravu u primjeni preporuka Odbora za reviziju i vanjskog revizora; usvaja izvještaj o poslovanju Preduzeća po polugodišnjem i godišnjem obračunu sa izvještajem revizije; podnosi Skupštini godišnji izvještaj o poslovanju koji obavezno uključuje izvještaj revizora, izvještaj o radu Nadzornog odbora i Odbora za reviziju i plan poslovanja za

narednu godinu; donosi prijedlog trogodišnjeg plana poslovanja i usvaja godišnje planove poslovanja; odobrava kupovinu, prodaju, zamjenu, uzimanje u lizing, davanje u lizing, uzimanje kredita i druge transakcije imovine, u toku poslovne godine u obimu od 15% do 33% knjigovodstvene vrijednosti ukupne imovine Preduzeća; odlučuje o ostalim pitanjima u skladu sa Zakonom.

Kandidati za imenovanje na poziciju člana Nadzornog odbora moraju ispunjavati:

- opće i
- posebne uslove.

II Opći uslovi za imenovanje su:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjenje pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni-finansijski interes u društvu u čiji se nadzorni odbor kandiduje,
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije član niti jednog upravnog ili nadzornog odbora, odnosno odbora za reviziju nekog privrednog društva ili institucije,
9. da nije osuđivan za krivično djelo i za prekršaj nespojiv sa dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
10. da nije lice kojem je presudom suda zabranjeno obavljanje aktivnosti u nadležnosti nadzornog odbora,
11. da nije stariji od 70 godina na dan imenovanja.

III Posebni uslovi za imenovanje:

- VSS-VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
- najmanje tri (3) godine radnog iskustva u struci i spremi,
- certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).
Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a. Uredbe,
- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizacijske sposobnosti,
- rezultati rada ostvareni tokom poslovne karijere,
- da posjeduje znanje iz oblasti rada i organizacije komunalnih preduzeća,
- preporuke ranijih neposrednih rukovodilaca.

IV Potrebni dokumenti:

Svojeručno potpisana prijava kandidata treba da sadrži kraću biografiju, adresu i kontakt telefon.

Uz potpisanu prijavu kandidat treba dostaviti:

1. diplomu o završenom visokom obrazovanju,
2. dokaz o traženom radnom iskustvu (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne starije od 6 mjeseci),
4. certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obvezuje da će u roku od šest mjeseci proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a. Uredbe,

5. ovjerena izjava kandidata o činjenicama nabrojanim u tačkama 3. do 8. Općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojima se dokazuje ispunjenost općih uslova za imenovanje iz tačke 9. i 10. Općih uslova Oglasa, odgovorni javni službenik će zatražiti od kandidata koji bude predložen za konačno imenovanje. Kandidat koji bude izabran dužan je dostaviti tražena uvjerenja u roku od 10 dana od dana izbora i ista ne smiju biti starija od datuma objavljivanja Oglasa.

Dokumenti koji se prilažu uz prijavu moraju biti originali ili ovjerene kopije.

Oglas za podnošenje prijave ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje. Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu obavljanja intervjua.

Prijavu sa potrebnom dokumentacijom dostaviti lično na protokol Grada Zenica ili preporučeno poštom na sljedeću adresu:

**"Prijava na Oglas za izbor i imenovanje jednog člana
Nadzornog odbora Javnog preduzeća Vodovod i kanalizacija d.o.o. Zenica
- NE OTVARATI"
GRAD ZENICA
Služba kabineta Gradonačelnika
- Komisija za izbor -
Trg Bosne i Hercegovine broj 6.
72 000 Z e n i c a**

**GRADONAČELNIK
Fuad Kasumović**